

EVANGELI LE ‘MUSO

Lenane-Thuto

Notes

KAROLO #1:

- I. Selelekela.
- II. Evangeli:
 - A. Qaleho ea Evangeli.
 - B. Khubu ea Evangeli.
 - C. Qetello ea Evangeli.

KAROLO #2:

- II. Evangeli:
 - C. Qetello ea Evangeli (Nts’etso-pele).

KAROLO #3:

- III. ‘Muso oa Molimo:
 - A. Selelekela ‘Musong oa Molimo
 - B. Ho bohlokoa hore “oa Molimo”.
 - C. Papiso ea Mebuso e ‘Meli.
 - D. Jesu le ‘Muso oa Molimo.
 - E. ‘Muso oa Molimo ke eng?
 - F. ‘Muso oa Molimo o Neng?
 - G. ‘Muso oa Molimo le li-Evangeli.

KAROLO #4:

- III. ‘Muso oa Molimo:
 - G. ‘Muso oa Molimo le li-Evangeli (nts’etso-pele).

KAROLO #5:

- III. ‘Muso oa Molimo:
 - G. ‘Muso oa Molimo le li-Evangeli (nts’etso-pele).
- Tlhahlobo.

EVANGELI LE ‘MUSO

Notes

Tlhahlobo

Lipotso tse ka lebelloang, Limaraka li 20

- 1) Ngola ka ntlha e bonts'ang hore Jesu o shoele a phethehile ka ho haha lintlha tse supang hore o shoele e le sehlabelo ebile e le moreshoeli (ea nkileng sebaka sa rona lefung) (maq. 161,162).
- 2) Ts'ehetsa bonnete ba tsoho ka ho fana ka lintlha tse fapaneng tse netefatsang (maq. 163, 164)
- 3) Sebelisa lintlha tse hlano (ts'ehetsa ka mangolo) ho hlalosa li-pheo le meelelo ea nyolohelo (leq. 167).
- 4) Sebelisa lintlha tse supileng (ha ho tlhoko ea mangolo mona) ho bapisa 'Muso oa Molimo le 'Muso oa Satane (maq. 172, 173).
- 5) 'Muso oa Molimo ke eng (maq. 173-175)?
- 6) Bonts'a kamoo 'Muso oa Molimo o rutang khahlanong le thuto ea bokhelohi ea bosieo ba mats'oenyeho le maruo feela (leq. 185).

Lipotso tse ka lebelloang, Limaraka li 10

- 1) Hlalosa kamoo Jesu a bonahalang e le “lenyeloi la Morena”. Sebelisa lengolo le le leng (leq. 159).
- 2) Bonts'a kamoo boiponahatso bo amanang le kanetso ea Evangeli ka teng (leq. 160)
- 3) Bolela li-pheo tse peli tsa tsoho (leq.165).
- 4) Bolela li-pheo tse peli tsa Ho khutla ha Krete (leq. 169).
- 5) Ke neng 'Muso oa Molimo o senoloang? Ts'ehetsa ka mangolo (leq. 175).
- 6) Linotlolo tsa 'Muso ke li fe (leq.178)?
- 7) Hlalosa taba ea hore batho ba “likhoka” ba tla kena 'Musong oa Molimo (leq. 179).
- 8) Karabelo e lokela ho ba e fe malebana le ho atamela ha 'Muso oa Molimo. Ts'ehetsa ka Lengolo le le leng (leq. 180).
- 9) Sebelisa Lengolo le le leng ho bonts'a e moholo 'Musong oa Molimo (leq.181,182).
- 10) Sebelisa Lengolo le le leng ho bonts'a kamoo 'Muso oa Molimo o hokahanyoang le sehlabelo ka teng (leq. 182).
- 11) Sebelisa Lengolo le le leng ho bonts'a kamoo thuto ea 'Muso oa Molimo e leng khahlanong le Arminianism ka teng(leq. 186).
- 12) Sebelisa lengolo le le leng le bonts'ang kamoo thuto ea 'Muso oa Molimo e leng khahlanong le thuto e bonts'ang tlhoibilo ea kamor'a litlhoriso (maq. 187,188).

EVANGELI LE ‘MUSO

I. Selelekela.

Notes —

Selelekela Evangeling:

Lentsoe “evangeli” ke lentsoe le pharaletseng, le bileng le supang ho pharalla ho o holo kahar’a tumelo ea Bokreste. Ka kotloloho, le bolela “Moaletsa o Molemo kapa Litaba tse Monate”. Testamenteng e Ncha, *leetsi* la lentsoe lena le bolela “ho phatlalatsa, ho bolela evangeli, kapa ho tsebisa batho litaba tse monate tsa pholoho e fumanoang ka Krete Jesu”.

Leha ho le joalo, ho kenyeletsa mofuteng oona oa evangeli, hona le lintlha tse peli. Moapostola Paulosi o re thusa ho utloisisa chalimo ena e ntlha-tharo ea Evangeli ho I Bathes.1:5:

Lentsoe/Molaetsa - “Hobane Evangeli ea rona ha ea ka ea tla ho lona ka lipolelo feela,”

Evangeli ea Matla - “empa e tlike le ka matla, ka Moea o Halalelang le ka kholiso e kholo.”

Bophelo ba Evangeli - “Joalokaha le tseba seo re bileng sona ha heno, ka baka la lona.”

Lentsoe/molaetsa

Mofuta oona oa Evangeli ke mokhoa o akaretsang oa ho bolela kapa ho tsebisa batho ka evangeli. Jesu Krete ke sesupo sa molaetsa le litaba tsena tse molemo. Evangeli ena e phatlalellitsoeng bohle, ke lentsoe la Molimo le reretsoeng ho senola morero oa Molimo, le ho bitsa ba e utloang, hore ba phele ka eona (evangeli). Ho fetisoa ha linnete tsena tsa evangeli ka Jesu li nkoa e le karolo ea evangeli e tobang moamoheli.

Thuto ena e fana ka boithuto bo tebileng ba linnete tsa evangeli tse reretsoeng batho e le baamoheli: boiponahatso ba Krete, lefu la Hae, Tsoho, Nyolohelo, Krete hajoale le Bokamoso ba Hae.

EVANGELI LE ‘MUSO

Notes

Evangelii ea Matla

Ho na le karolo ea evangeli ea Matla. Moapostola Paulosi o pakile ho re Evangeli e tllile ka “matla, ka Moea o Halalelang le ka kholiso e kholo.” Karolo ena e matla ea Evangeli, e fetisa lipolelo kapa thuto feela. Ka ho boleloa ha molaetsa, Molimo o fihlela motho ka ts’enolo e fetolang lipelo tsa ba amohelang evangeli (bala Bar 1:15- 17). Ha ho bolelea evangeli, matla a Molimo (a tsositseng Krete bafung (bala Bar 1:4, I Bakr. 15:4)) a ba teng ho tliša pholoho. Matla a ka bonahatsoa *kahare* ka ho fetoloa ha lipelo tsa batho, kapa *kantle* ka meeka le mehlolo.

Matla ana a makatsang haholo, a etsa hore tumelo ea Bokreste e phahamele lithuto tsa litumelo tseo batho ba ka ts’oarellang ho tsona, e fa Bakreste boitsebelo. Boitsebelo bona bo thehiloe holima ho kopana le Jesu Krete, ho latele kamano e tsoellang-pele le Jesu bophelong ba molumeli.

Bophelo ba Evangeli

Karoloana ena ea boraro ea Evangeli, ke tholoana ea ha motho a amohetse evangeli e boletsoeng, ebile a fetotsoe ke evangeli ea matla. Ho kopana le Jesu Krete ho tsoala boitsebelo ba ts’okoloho, eona e hlahisa bophelo bo bonts’ang Evangeli kamehla.

Paulosi o ile a fetoloa ka botlalo ke ts’enolo ea Jesu (Liketso 9:22,26; I Bakr. 9:5) hoo liketso le boits’oaro ba hae li ileng tsa fetoha polelo ea Evangeli ka bo-tsona. Hamorao Paulosi o bapisa bophelo ba morumuoa/molaetsua le Evangeli ea matla. Evangeli ha ea ba lipolelong tsa bona feela, empa e ile ea bonahatsoa le maphelong a bona.

Bophelo ba Paulosi bo ile ba matahana, le ho tlala ka Evangeli ea e amohetseng (ka baka la ho kopana le Jesu) hoo a bileng a khona ho phela ka mohlala o neng o ts’oana le mohlala oa Jesu Krete ka bo-Eena (bala I Bathes. 1:6). Kahoo, bophelo ba mojari oa molaetsa/molaetsua, e ba sesupo sa Evangeli.

Kahoo, evangeli e ka utloisisoa ho ipapisoa le chalimo e ntlha-tharo: Molaetsa oa Evangeli, Evangeli ea matla, le bophelo ba Evangeli.

EVANGELI LE ‘MUSO

A. Thutong ena re tla Ithuta haholo ka Lintlha tse amanang le Molaetsa oa Evangelii.

Notes —

1. Tsoalo ea Jesu (Boiponahatso ba Jesu).
2. Lefu la Jesu.
3. Phahamiso ea Jesu (e kenyeletsa tsoho, nyolohelo, bophelo ba Jesu, ho khutla ha Krete).
4. Lintlha-tsa-ntlha tsa Evangelii:
 - a. Molimo o tlile lefats’eng ‘me a phela joaloka motho.
 - b. O ile a shoa sefapanong e le ho pholosa motho.
 - c. O ile a tsoha bafung a nto nyolohela Leholimong. O lutse letsohong le letona la Molimo, ‘me o tla khutla hape ho ahlola ba phelang le ba shoeleng.

B. Hape re tla etsa Boithuto ba ‘Muso oa Molimo.

II. Evangelii.

A. Qaleho ea Evangelii.

1. Tlhalho ea Jesu (Boiponahatso).
 - a. Litemana tsa Testamente e Ncha tsa Boiponahatso:
 - 1) Math 1:2; 4:1-17; 8:23-27; 13:53-57; 14:28-33; 16:13-20; 17:1-3;
21:1-11; 22:41-45.
 - 2) Mar 1:1-3; 1:21-24; 10:13-16.
 - 3) Luk 1:2; 3:23-27; 4:16-30; 7:18-34; 19:28-48.
 - 4) Johan 1:1-34; 3:25-36; 4:39-42; 5:17-24; 5:39-47; 6:48-69; 7:12-52; 8:1-20; 10; 11:1-26.
 - 5) Lik 10:34-39.

the GOSPEL & the KINGDOM

Notes


- 6) Bar 1:1-4.
- 7) Baf 2:1-11.
- 8) Bak 1:15-19.
- 9) Bah 1;2; 5:7-9.
- 10) 1Johan 1:1-4; 4:1-3.
- 11) Ts'en 1.

b. Ha re bua ka tlhaho ea Jesu re lokela ho hopola hore Jesu ke Molimo.

- 1) Kahoo, re sebelisa lentsoe “Boiponahatso” hobane tlhahong ea Jesu, Molimo e ba Motho.
- 2) Ha re bua ka boiponahatso, re lokela ho hopola hore Jesu o ile a tlameha ho tela melemo ea leholimo bakeng sa hore e be motho (Baf2:6,7). Ketsahalo eo e bitsoa “Kenosis”.

Ntlha ea Puisano

Ithute sets'oants'o sena. Latela tatellano ea liketsahalo tse bonts'oang ke Evangeli joalokaha li bonts'oa sets'oants'ong. Sheba, o nto buoa ka lentsoe ka leng.



EVANGELI LE ‘MUSO

c. Re bona Boiponatso ba Molimo hantle pele ho tsoalo ea Krete linthong tse latelang:

- 1) Lenyeloi la Morena. Hona ho hloma e ka ke boitlhahiso ba Jesu pele a nka sebopeho sa botho (bala Gen 16:7,10,13; Eks 3:2,6; Baahl 6:11,14; Josh 5:13-15; Eks 23:20-22).
- 2) Boprofeta (bala Esa 7:14).

d. Tlhaloso ea Boiponahaso.

- 1) O fetohile nama (Johan 1:14).
- 2) O tsoetsoe ke mosali (Bag 4:4).
- 3) O tlile ka nameng (1Johan 4:2).
- 4) O hlahile nameng (1Tim 3:16).
- 5) O etnsoe ka ho ts'oana le rona (Bar 8:3; Bar 2:14).
- 6) O ne ana le 'mele (Bah 10:5,10; 1Johan 1:1-3).
- 7) O ile a shoa nameng (1Petr 3:18; 4:1).

e. Li-pheo tsa Boiponahatso.

- 1) Ho bonahatsa Ntate (Johan 14:8-11).
- 2) Ho phetha thato ea Molimo (Bah 10:5-9).
- 3) Ho phethahatsa boprofeta (Luk 4:17-21).
- 4) Ho shoa bakeng sa libe tsa rona (1Petr 3:18).
- 5) Ho phethahatsa ho loka hohle (Math 3:15).
- 6) Ho boelanya lefats'e (2Bakr 5:18-21).
- 7) Ho ba moprista oa rona e moholo (Bah 7:24-28).
- 8) Ho ba mohlala oa rona (1Petr 2:21-23).

Notes —

EVANGELI LE ‘MUSO

Notes

f. Bohlokoa ba boiponahatso.

- 1) Bonnete le bopaki ba Bomolimo ba Kreste (Bar 9:3-5).
- 2) Ho netefatsa tsoho (Liketso 2:24-32).
- 3) E le e teko bakeng sa balumeli (1 Johan 4:1-6).

2. Kakaretso ea Boiponahatso.

a. Boiponahatso ke karolo ea bohlokoa ea Evangelii. Ke Molimo feela a ka re ts'oarelang. Ke Molimo feela ea ka re shoelang.

b. Kahar'a thuto ea Boiponahatso, re tla elelloa hore Jesu ke lintho tse peli:

- 1) Mor'a Molimo. Ke Molimo ka botlalo.
- 2) Mor'a Motho. Ke Motho ka botlalo.

c. Mabitso a supang Boiponahatso.

- 1) Testamenteng ea Khale Esa 7:14 Lebitso Immanuele le bolela "Molimo o na le rona".
- 2) Testamente e Ncha-Math 1:21 Lebitso Jesu le bolela "Molimo ea pholosang/Molimo mopholosi".

d. Boiponahatso le Ho fihlela lefats'e lohle ka Evangelii.

- 1) Molimo ka sebele sa Hae o ile a ikhethela ho ba karolo ea rona. O ile a khetha ho ba e mong oa rona, a be a lule le rona.
- 2) Morumuoa/mishinari o lokela ho latela mohlala oona. O lokela ho ikemisetsa ho ba karolo ea batho bao a phelang ka har'a bona, a tsebe tsela eo ba phelang ka eona. O lokela ho ikemisetsa ho phela le batho bao, 'me a lule le bona.

Ntlha ea Puisano

Boiponahatso bo bonts'a mohlala oa matla bakeng sa rona hore re o latele, bakeng sa ho fihlella litikoloho le libaka tsa lehae ka Evangelii. Ke eng se re thibelang ho latela mohlala oo oa Bibe? Buisanang le arolelane mapaki.

EVANGELI LE ‘MUSO

B. Khubu (Pelo) ea Evangelii.

Notes —

1. Lefu la Jesu (Sefapano). Bala Mangolo a Latelang ka Sefapano:

- a. Math 20:28; 26;27.
- b. Mar 14;15.
- c. Luk 9:30,31; 22; 23.
- d. Johan 1:29; 3:16,17; 10:11-15; 18; 19.
- e. Bar 3:21-26; 5:8,9; 6:10; 8:31-34.
- f. 1Bakr 5:7.
- g. Bag 3:13,14.
- h. Baf 2:8.
- i. Bak 2:13-15.
- j. Bah 2:14-17; 7:23-28; 10:1-22.

2. Lefu la Jesu (Sefapano) ke mokhoa oa pholoso oo Molimo a re fileng oona.

- a. Jesu o shoele a phethehile (o ne a se na sebe). Kahoo, o shoele e le sehlabelo (1Johan 1:9).
 - 1) Sehlabelo sena se phethehile, Jesu ha ho mohla a tla shoa hape (Bar 6:10).
 - 2) Ke sehlabelo (Bah 7:27).
 - 3) Ke moprista ebile ke sehlabelo. Ke mali a hae ao e leng a sehlabelo (Bah 9:12).
 - 4) Ke sehlabelo se senang sekoli (1Petr 1:19).

EVANGELI LE 'MUSO

Notes

- b. Jesu o shoele a phethehile (O ne a se na sebe). Kahoo, o shoele bakeng sa rona (e seng bakeng sa Hae), o nkile sebaka sa rona. O shoele e le tefo ea melato ea rona (Lik 20:28; Bak 2:13-15; 1Petr 2:22-24; 1Johan 2:1,2).

- 1) O nkile kotlo ea rona (Esa53).
- 2) Ke eena sehlabelo sa tefelo le topollo (Mar 10:45).
- 3) Ho bile le tefo (1Bakr 6:20).
- 4) O shoele bakeng sa rona (2Bakr 5:21).

Ntlha ea Puisano

Haeba lintho tsohle ke linnete ka Jesu, hobaneng re sa molatele ka chescho?
Ke eng se re thutlelang morao?

C. Qetello ea Evangelii.

1. Phahamiso ea Jesu (tsoho, nyolohelo, Krete hajoale, le ho khutla ha Krete). Bala litemana tse latelang ka phahamiso ea Jesu:
 - a. Pes 2:7-12; 16:11; 45:1-17; 110:1.
 - b. Esa 9:7.
 - c. Jer 23:5,6.
 - d. Math 26:64; 28:1-20.
 - e. Mar 16.
 - f. Luk 1:32,33; 24.
 - g. Johan 2:19-22; 3:12-15; 6:60-63; 10:17,18; 11:25,26; 17:1-5; 18:36,37; 20;21.
 - h. Liketso 1:1-11,22; 2:22-32; 3:15; 4:2; 4:33; 5:30,31; 7:56; 13:30-37; 17:16-32.
 - i. Bar 1:1-4; 8:34.
 - j. 1Bakr 15:1-28.
 - k. Bae 1:19-22; 4:7-10.
 - l. Baf 2:9-1
 - m. Bak 2:15.
 - n. 1Tim 3:16.
 - o. Bah 1:3-14; 2:9; 4:14; 7:23-26; 8:1; 9:24; 10:12,13; 12:2
 - p. 1Petr 3:21,22.
 - q. Ts'en 5:6.

EVANGELI LE ‘MUSO

2. Tsoho.

Notes —

- a.** Bohlokoa ba tsoho (bala 1Bakr 15:12-19).
- b.** Ponts’o ea tsoho.
 - 1) Lipesalemeng (Pes 16:10,11; Lik 13:34,35).
 - 2) Ho Baprofeta (Esa 53:10-12; 1Bakr 15:4).
 - 3) Lipolelong tsa Jesu (Mar 9:9,10; Johan 2:19-22).
 - 4) Lipolelong tsa baapostola (Lik 2:32; 3:15).
- c.** Mohloli oa tsoho.
 - 1) Matla a Molimo (Lik 2:24).
 - 2) Matla a Krete (Johan 10:18).
 - 3) Matla a Moea (Bar 8:11).
- d.** Bonnete le bopaki ba tsoho.
 - 1) Lebitla ha le na letho (Johan 20:1-9).
 - 2) Bopaki ba manyeloi (Math 28:5-7).
 - 3) Bopaki (ka liketso tsa bona) ka lira tsa Hae (Math 28:11- 15).
 - 4) Mapaki a mang a mangata (Lik 1:3; Johan 20:20,27).
 - 5) Ho hlomamisa letsatsi la Sondaha e le letsatsi la Morena (Johan 20:1,19; 1Bakr 16:2).
 - 6) Bopaki le lithuto tsa baapostola (Lik 2:22-32; 4:33).

EVANGELI LE 'MUSO

Notes —

Lipotso tse Supileng tse Fanang ka Bopaki ba Tsoho:

1) U ka hlalosa phetoho e kholo e ileng ea ba ho barutuo a joang?

Ba ne ba ts'aba. Ba ne ba belaela. Ba ne ba ipatile. Ba ne ba nyahame. Empa hang-hang ba ile ba ba sebete. Ba ile ba ba le kholiseho. Ba ile ba tsoa ho ea literateng tsohle ho evangela. Ba ne ba khothetse.

Pele

Ts'abo
Pelaelo
Ho ipata
Ba nyahame

Kamorao

Sebete
Kholiseho
ba ne ba evagela hohle
Ba khothetse

2) U ka hlalosa ho ts'oana ha mapaki a barutuo a joang?

Bohle ba ne ba na le bopaki bo ts'oanang. Haeba Evagneli e ne e le thetso le boiqapelo ba batho, ho ne ho ke ke ha khonahala hore makholo-kholo a batho ba be le pale e ts'oanang, ntlha ka ntlha.

3) U ka hlalosa taba ea hore barutuo a ba ne ba ikemiselitse ho shoela bopaki ba tsoho joang?

Ke boitsebelo ba 'nete feela bo ka hlalisang mofuta oo oa sebete.

4) U ka hlalosa lipaki tsohle tsa tsoho joang (1Bakr 15:6)?

5) U ka hlalosa joang hore lira tsa evangeli ha li ea ka tsa khona ho tiisa hore tsoho ha se 'nete?

Ha ba ka ba fumana 'mele oa Krete lebitleng.

6) U ka hlalosa bonnete ba lipaki tsa tsoho joang?

Batho ba ile ba utloa bopaki 'me ba bohlahloba. Ba ile ba amohela bonnete ba lipaki le bopaki ba evangeli.

7) U ka hlalosa bonnete ba kholo ea Bokreste lilemong tsa pele tse 300 joang?

Karabo e akaretsang lipotsong tsena tse supileng, ke hore Jesu Krete o hlile o tsohile bafung.

EVANGELI LE ‘MUSO

e. Boleng ba tsoho.

- 1) ‘meleng (Johan 20:27; Luk 24:39-43).
- 2) ‘Mele oa Semoea (Luk 24:31,36; Johan 20:19; 1Bakr 15:44).
- 3) e ea makatsa (Luk 24:16; Mar 16:12; Johan 20:14).

f. Li-pheo tsa tsoho.

- 1) Ho phethahatsa Mangolo (Luk 24:45,46).
- 2) Ho ts’oarella libe (1Bakr 15:17).
- 3) Ho lokafatsa moetsalibe (Bar 4:25; 8:34).
- 4) Ho fana ka ts’epo (1Bakr 15:18,19).
- 5) Ho netefatsa tumelo (1Bakr 15:14-17).
- 6) Ho netefatsa hore Jesu ke Mora (Pes 2:7; Bar 1:4).
- 7) Ho netefatsa Bomolimo ba Jesu (Johan 20:26-29).
- 8) Ho netefatsa Borena ba Jesu (Lik 2: 24,29,34).
- 9) Ho roba matla a lefu (Lik 2:24; I Bakr. 15: 20, 22, 54).
- 10) Ho beha Jesu Teroneng ea Davida (Lik 2:30-32).
- 11) Ho netefatsa le ho akofisa phahamiso ea Jesu (Lik 4:10,11; Baf 2:9,10).
- 12) Ho tiisa ho tla ha kahlolo (Lik 17:31).
- 13) Ho tiisa tsoho ea balumeli (Lik 26:23; 1Bakr 15:20,23).

Notes —

EVANGELI LE ‘MUSO

Notes

g. Boitlhahiso ba Jesu kamor’a tsoho. Sheba sets’oants’o sena:

Ketsahalo	Nako	Matheu	Mar	Luka	Johan	Lik	I Bakr
Lebitla le se nang letho kantle ho Jerusalema	Hoseng ha Sondaha	28:1-10	16:1-8	24:1-12	20:1-9		
Lebitla le se nang letho: Maria Magdalena	Hoseng ha Sondaha		16:9-11		20:11-18		
Baeti ba 2: Tseleng ea Emmause	Mantsiboeeng a Sondaha			24:13-32			
Petrose: Jerusalema	Sondaha			24:34			15:5
barutuo ba 10 kamoreng e ka holimo	Bosiung ba Sondaha			24:36-43	20:19-25		
Barutuo ba 11 kamoreng e ka holimo	Kamor’a beke		16:14		20:26-31		
Barutuo ba 7 lets’eng la Galelea	Kamor’a beke				21:1-23		
Barutuo ba 11, thabeng ea Galelea	nakoana hamorao	28:16-20					
Ho feta 500	nakoana hamorao						15:6
Jakobo	nakoana hamorao						15:7
Nyolohelo: Thabeng ea Mehloare	matsatsi a 40 kamor’a tsoho		16:19	24:50-53		1:3-8	
Paulosi	nakoana hamorao					9:1-6	15:8

EVANGELI LE ‘MUSO

3. Nyolohelo.

a. Ponts’o ea nyolohelo.

- 1) Maprofeta (Pes 68:18; Bae 4:8-10; Pes 24).
- 2) lipolelo tsa Krete (Luk 9:51; Johan 20:17; Johan 6:62).

b. Ketsahalo.

- 1) Matsatsi a 40 ka mor’a tsoho (Luk 24:48-51; Lik 1:1-12).
- 2) Lits’ehetsi tsa ketsahalo (Lik 1:22; Bae 4:8-10).

c. Li-pheo le meelelo ea nyolohelo.

- 1) E le hore Moea o tle o tle (Johan 16:7).
- 2) Ho amohela khanya le tlhompho (Bah 2:9).
- 3) Ho busa teroneng ea Davida (Lik 2:29-36).
- 4) Ho lula pel’a Ntate (Bae 1:20; Bah 1:3).
- 5) Ho rapella balumeli (Bar 8:34; Bah 7:25).
- 6) Ho lokisetsa sechaba sa hae bolulo (Johan 14:2).
- 7) Ho sebeletsa e le Moprsta (Bah 4:14-16; 8:1,2).
- 8) Ho busa ka tlholo (1Bakr 15:24-28).
- 9) Ho bonts’a boholo ba tlholo ea Hae (Bae 4:8).
- 10) Ho fana ka lineo ho batho (Bae 4:8).
- 11) Ho bonts’a boholo le bophahamo ba Hae (Lik 5:31; Baf 2:9).
- 12) Ho tsosa balumeli ‘moho le Eena (Bak 3:1-3; Bae 2:6).
- 13) Ho supa ho khutla ha Hae (Lik 1:11).

Notes

—

EVANGELI LE ‘MUSO

Notes

4. Hajoale (Kreste Leholimong).

- a. Hajoale, Jesu o leholimong (1Petr 3:22; Bae 1:20; Lik 7:56; Ts'en 5:6-10).
- b. Boleng ba hae hajoale “o lutse letsohong le letona la Molimo.”
 - 1) O lutse—o teroneng (Ts'en 3:21).
 - 2) Letsohong le letona—ho ba le Molimo (Johan 1:1).
 - 3) La Molimo—ho se khaohane (Ts'en 22:3, mona hona le terone e le ngoe feela).
 - a) Sephiri sa Boraro-bo-Teroneng: bo fapane empa ha bo arohane.
 - b) Kahoo, ho Johan 1:1, Bibeale e re o ne a na le Molimo, ‘ME e ne e le Molimo.
- c. Moelelo oa Bojoale.
 - 1) Hlompho le tlotla (Bah 2:9).
 - 2) Thabo (Pes 16:11).
 - 3) ‘Muso oa Kreste (Bae 1:20-23; 1Bakr 15:23-25).

EVANGELI LE ‘MUSO

5. Ho khutla ha Krete.

- a.** Ho phahamisoa ha Krete, ke qetello ea Evangelii, empa ho khutla ha Krete ke bofelo ba phello.
- b.** Ho khutla ha Krete ho hlaloso e le letsatsi la:
 - 1) Morena (1Bathes 5:2).
 - 2) Morena Jesu (1Bakr 5:5).
 - 3) Molimo (2Petr 3:12).
 - 4) Letsatsing leo (2Bathes 1:10).
 - 5) Letsatsi la bofelo (Johan 12:48).
- c.** Li-pheo tsa ho khutla ha Krete.
 - 1) Ho phethahatsa Lentsoe la Hae (Johan 14:3).
 - 2) Ho tsosa bafu (1Bathes 4:13-18).
 - 3) Ho felisa lefu (1Bakr 15:25,26).
 - 4) Ho phutha bakhethoa (Math 24:31).
 - 5) Ho ahlola lefats’e (Math 25:32-46).
 - 6) Ho tlotlisa balumeli (Bak 3:4).
 - 7) Ho putsa sechaba sa Molimo (Math 16:27).

Notes

—

EVANGELI LE ‘MUSO

Notes

d. Nako ea ho khutla ha Krete.

- 1) Ha e tsejoe (Math 24:27,36).
- 2) Kamor’a hore Evangeli e boleloe lefats’eng lohle (Math 24:14).
- 3) Kamor’ ho hlaha ha mor’a tahleho (2 Bathes 2:2,3).
- 4) Ha terompeta ea qetelo e lla (1 Bakr 15:51,52).
- 5) Matsatsing a kang matsatsi a Noe (Math 24:37-47).

e. Mokhoa oa ho khutla ha Krete.

- 1) A kaletse maru (Math 24:30).
- 2) Ka malakabe a Mollo (2 Bathes 1:7,8).
- 3) Le Manyeloi (Math 25:31).
- 4) Joaloka lesholu (1 Bathes 5:2,3).
- 5) Ka khanya ea Hae (Math 25:31).

f. Molumeli o lokela ho ba le maikutlo le sebopeho se nepahetseng boitokisetsong ba ho khutla ha Krete.

- 1) O tlameha ho e leta (1 Bakr 1:7).
- 2) O lokela ho e lebella (Tit 2:13).
- 3) O tlameha ho itokisetša eona (Math 24:42-51).
- 4) O lokela ho e rata (2 Tim 4:8).
- 5) O lokela ho phathahana ho fihlela nako eo e fihla (Luk 19:13-18).
- 6) O lokela ho e rapella ho tla (Ts’en 22:20; Luk 18:7,8).

Ntlha ea Puisano

Lumella nako ea lipotso kapa maikutlo a ka hlahang malebana le evangeli.

EVANGELI LE ‘MUSO

III. ‘Muso oa Molimo.

Notes —

A. Selelekela sa ‘Muso oa Molimo¹.

Karolo ea ‘Muso	Tlhaloso
Tlhaloso ea ‘Muso (<i>Math 19:12;</i> <i>Pes 103:19</i>)	Puso ea Molimo, Taolo ea Molimo, Bokhosi, kapa Matla a Molimo ts’ebetsong lipelong tsa ba inehelang ho Eena. Nakong e tlang, Puso le Taolo ea Molimo e tla ba lefats’eng lohle.
Sephiri sa Bibe (<i>Bar 16:25,26</i>)	Sephiri sa Bibe, ke ntho e ileng ea behoa lekunutu nako e telele, empa kajeno e senotsoe.
Sephiri sa ‘Muso (<i>Mar 4:11</i> <i>Math 13</i>)	— ‘Muso oo ka letsatsi le leng o tla fetola tsamaiso ea lefats’e lohle, o se o le teng hajoale ho tliša litlhohonolofatso tsa ‘Muso oa Molimo ho batho empa o sa fetole tsamaiso ea khale lefats’eng. — ‘Muso oa Molimo o sebetša har’a rona hajoale, empa Molimo ha a susutlele batho ho mokhumamela. Batho ba na le boikhetshelo ba ho hana kapa ho lumela. Ba lokela ho ikhethela ho amohela ‘Muso ka lipelo tsa bona, ba inehle ka bo bona.
Bophelo ba ‘Muso (<i>Johan 17:3, Johan 3:3,</i> <i>Bar 14:17</i>)	Bophelo bo sa feleng bo fumanoa ‘Musong oa Molimo, Nakong e tlang, empa o se o kene nakong ena e mpe. Motho a ka ba le boitsebelo ba bophelo bona ka o tsoaloa la bobeli. Bophelo bo sa feleng ke ho tseba Molimo ka ho ba le kamano le boitsebelo bophelong bona.
Ho loka ha ‘Muso (<i>Math 5-7; Bae 2:8,9;</i> <i>Mar 10:15; Luk 22:29</i>)	Ho loka ha ‘Muso oa Molimo ho fetisetsoa ho rona ha re lumella Molimo ho busa lipelong tsa rona. ha ho motho a ka fihlelang boleng ba ho loka ha ‘Muso oa Molimo. Re lokela ho amohela ho loka joaloka ngoana ka thuso ea mohau o sa re lokeleng oa Molimo.
Se Hlokoang ke ‘Muso (<i>Mar 1:15; Luk 9:23;</i> <i>Math 6:33; Math 19:16</i>)	‘Muso oa Molimo o re hloka ntho e le ngoe feela—o re hloka hore re etse qeto e le rona, qeto ea ho lumella Molimo ho busa maphelo a rona. hona ho hloka “pako”, e leng ho fetoha, ho sokoloha, ho ananela tsela ea ‘Muso oa Molimo.
Bonnete ba boteng ba ‘Muso oa Molimo (<i>Mar 1:15; Math 12:28;</i> <i>Luk 17:20; Bar 12:1,2</i>)	Linako tse peli li ea fapa-fapanyetsana. Matla a nako e tlang a se a kene nakong ena, leha re ntse re phela Nakong ena e mpe. Leha ho le joalo, re fetotsoe ‘me ha re sa ipapisa le matla a busang nakong ena lefats’eng.
Bokamoso ba ‘Muso oa Molimo (<i>Luk 22:18; Mar 9:1</i>)	‘Muso oa Molimo ha o na tla ka botlalo ho fihlela Krete a Khutla la Bobeli, a tsosa bafu. Liketsahalo tsena tse peli li tla etellapele Nako ea Puso e feletseng ea Molimo, moo bobbe bohle bo tla felisoa.
Ke neng ‘Muso o tla tla ka botlalo? (<i>Mt 24:14; 28:19, 20</i>)	“Evangeli ena ea ‘Muso e tla boleloa lefats’eng lohle, e tle e be bopaki ho lichaba tsohle, ‘me e tla ba hona bofelo bo hlahang.”

EVANGELI LE ‘MUSO

Notes

B. Ho bohlokoa ho re “‘Muso oa MOLIMO” (Ho na le mebuso e meng).

1. ‘muso oa diabolosi (Luk 11:18).
2. Bobe bo bitsoa molimo oa lefats’e lena (2Bakr 4:4).
3. ‘Muso oa Molimo ha se oa lefats’e lena (Johan 18:36).

C. Papiso pakeng tsa ‘Muso oa Molimo le ‘Muso oa Satane.

‘Muso oa Molimo	‘Muso oa Satane
Leseli: Esa. 58:8; Ts’en. 21:23; Tim. 6:16	lefifi: Bae. 6:12; I Johan. 2:9; Ts’en. 16:10; Bak 1:13
Lerato: Math. 22:37; Bae. 6:24; Bar. 5:8; Jak. 1:27	Karohano le Molimo: Math. 13:19; I Johan. 3:8; Ts’en. 2:10,13,14
Topollo: Math. 8:11; Ts’en. 5:9; Esa. 51:11	Karohano le Molimo: (sheba ka holimo)
‘Nete: Johan. 14:6; Johan 8:32; Deotr. 32:4	Thetso: II Bathes. 2:9; Johan. 8:44; I Marena 22:22
Matla a Molimo: Luk. 21:27; Johan. 1:12; Bar. 1:20; I Bakr 1:24	ha o na matla: Math. 16:18; Bar 16:20; Luk. 22:31
O tla hlola kamehla: Bar. 6:23; II Bakr. 5:1; II Petr. 1:11	Oa nakaoana: Juda 6; Ts’en. 20:10; I Johan. 3:8
ha se oa lefats’e lena: Johan. 18:36; Mt. 16:19; Bar. 14:17	oa nakoana: (sheba ka holimo)
Bongoe le Kopano: Johan. 10:16; Bar. 12:5; IBakr. 10:17	Pherekano: I Bakr. 14:33; Is. 41:29; Jak. 3:16
Khotso: Luk. 2:14; Math. 5:9; Baf. 4:7	Pherekano: (Sheba ka holimo)
Mohau: II Bakr. 1:3; Bae. 2:4; I Petr. 1:3	Lefu: Bar 6:23; Bar. 5:12; Ts’en. 1:18
Sehlabelo: Bar. 12:1; Bah. 10:12; Bah. 13:15	Boikhohomoso: Lipro. 16:18; Lipro. 13:10; Jak. 4:6
Boikokobetso: I Petr. 5:5; Math. 5:5; Jak. 4:6	Boikhohomoso: (Sheba ka holimo)
Jesu ke Molimo: Bak. 1:16; Esa. 6:1-3; Johan. 1:3; Johan. 5:17	Mademona: Jak. 2:19; I Tim 4:1; Ts’en. 16:14; Ts’en. 18:2
Boraro bo Teroneng: Esa. 48:16; Math. 12:18; Johan. 14:16	Mademona: (Sheba ka holimo)
Manyeloi: Math. 13:14; Luk. 20:36; I Bakr. 6:3	Mademona: (Sheba ka holimo)
tlholo holima sebe le lefu: Bar. 6:23; I Johan. 5:12; Johan 3:16; Johan. 5:24	Sebe: Bar. 5:12; I Bakr. 15:56; II Bathes. 2:3
Tumelo: Bae. 2:8,9; Bar. 3:28; Bar. 14:23	Sebe: (Sheba ka holimo)

EVANGELI LE ‘MUSO

Notes —

‘Muso oa Molimo	‘Muso oa Satane
Ha o senyeha: I Bakr. 9:25; I Bakr. 15:50; I Petr. 1:4,23	Oa senyeha: Bar. 8:19-21; II Petr. 1:4; Bag. 6:8
boikthethelo: Bah. 11:25; Josh. 24:15; Deotr. 30:19	Bokhoba: II Petr. 2:19; Luk. 4:18; Johan. 8:34,35
Thabo: Neh. 8:10; Pes. 126:5; I Petr. 1:18; Luk. 15:7	Kahlolo: Math. 18:8; Bah. 2:2,3; Ts’en. 20:15
Tlholo: Bae. 6:13; Bar. 8:37; I Bakr. 15:54	Tlholo: Math. 13:30; I Johan. 3:8; Gen 3:15
Toka: Pes. 11:7; Esa 54:14; Bar 10:4	Bokhopo: I Johan. 3:12; III Johan. 11

D. Jesu le ‘Muso oa Molimo.

1. O tlisitse ‘Muso hau fi (Mar 1:15).
2. O buile ka ho kena ‘musong (Math 5:20; 7:21; 18:3).
3. O itse re rapelle hore ‘muso o tle (Math 6:10).
4. O itse re phatlalatse ‘muso (Math 9:35; 10:7).
5. O bonts’itse ‘muso ka liketso tsa matla (Math 12:15,22,28).
6. O ratile ka ‘muso ka lipapiso (Math 13).
7. O ts’episitse litlhohonolofatso tsa kamoso ‘musong (Math 25:31,34).
8. O ile a ruta ka ‘muso matsatsi a 40 kamor’a tsoho (Lik 1:3,6).

E. ‘Muso oa Molimo ke eng?

1. Ha se Kereke. Bible ha e re ‘Muso oa Molimo le kereke li ea lekana.
2. Ha se ntho e hahiloeng sebakeng se itseng.
3. Ha se batho ba sebaka se itseng.
4. Ke tsamaiso le puso ea khosi. Boemong bona, Khosi ke Jesu! (bala Pes 103:19 le Luk 19:12,15,27).

EVANGELI LE ‘MUSO

Notes

5. ‘Muso oa Molimo ke puso le tsamaiso ea Molimo. Motho ha a khone ho ikhahela ‘Muso oa Molimo. Motho o lokela ho amohela ‘Muso oa Molimo. Haeba a sa o amohele, hoo ke hore ha a na sebaka kahar’a oona. (Mar 10:15).
 - a. Molimo o fana ka ‘muso (Luk 12:32).
 - b. Jesu o “nehelana” ka ‘muso (Luk 22:29).
 - c. Molimo o bolela ba tla fumana ‘muso (Math 5:3; Mar 10:14).
 - d. Molimo o fana ka memo (Luk 14:15-24).
 - e. Molimo o khothaletsa ba khethehileng ho kena (Luk 14:15-24).
 - f. Hona le bao Molimo a sa ba lumelleng ho kena (Luk 14:15-24).
6. ‘Muso oa Molimo ke litaba tse Monate.
 - a. Ke molaetsa o molemo bakeng sa baetsalibe (Luk 9:51-56).
 - b. Ke molaetsa o molemo—o fana ka ts’oarelo, khotso le thabo (sheba boleng bo botle ba tlhaloso ea ‘Muso oa Molimo ho Math.13).
 - c. Ha se moputso. Ke mpho.
 - d. Ponahatso ea ‘muso e hlahisa thabo, bolokolohi le nyakallo (Esa 35:6; Mar 2:1-12; Luk 10:17).
 - e. **Kamahanyo:** molaetsa oa Kereke o lokela ho lumellana le taba ea molaetsa o molemo.
7. ‘Muso oa Molimo o fapane le lefats’e.
 - a. Ha se ‘muso oa lefats’e (Johan 18:36; Luk 23:42; Lik 1:6).
 - b. Ha o bonts’oe ka liketso tsa lefufa. Ha se ‘muso oa lipolotiki kapa oa naha e itseng. Barutuo ba ile ba nahana ka oona ka tsela ena. ‘me ba ile ba ferekana (Luk 19:11).
 - c. Taba-kholo e ho faneng e seng meharong (Math 5:40-42; Luk 12:32,33).

EVANGELI LE ‘MUSO

- d. O bohlokoa ho feta chelete kapa leruo (Math 6:19-34).
- e. O bohlokoa ho feta litokelo le melemo (Math 5:39-41; Mar 10: 42-44).
- f. O bohlokoa ho feta lelapa le metsoalle (Luk 14:26; Math 10:34-39).
- g. O bohlokoa ho feta maikutlo a botho le lithahasello tse patehileng (Math 5:21-48).
- h. O hloka boitolobetso (Luk 9:62).

Notes —

F. Ke neng ha ‘Muso oa Molimo o senoloa?

- 1. O teng ho rona hajoale (Mar 1:15; Math 12:28; Luk 17:20, 21).
- 2. ha o so fihle ka botlalo (Luk 22:18; Mar 9:1).

G. ‘Muso oa Molimo le Li-Evangeli.

- 1. Lithuto tse ngata tsa Jesu li ne li amana le ‘Muso oa Molimo. Kahoo, re fumana melao e mengata ea ‘Muso oa Molimo kahar’a li-Evangeli tse ‘ne. Mona ke boithuto bo malebana le ‘Muso oa Molimo joalokaha re o bona li-Evangeling.
- 2. ‘Muso oa Molimo ke eng?
 - a. ‘Muso oa Molimo, oa makatsa, ke sephiri se tebileng. Hore o bone, o be o utloe (o utloisise) liphiri, o lokela ho neoa hoo. (Math 13:11).
 - b. Polelo “‘Muso oa Molimo”, e sebelisoa ka ho phapanyetso le “Evangeli” (Luk 9:2,6).
 - c. Molimo ke eena ea fanang ka kholo ‘Musong oa Molimo. Balateli ba Molimo ba lokela ho ba le kutlo. Ba bolela lentsoe. Ba ts’oana le balemi ba lokelang ho ts’epa Molimo bakeng sa lihlahisoa. Molemi ha a laole kapa hona ho utloisisa kholo, empa leha ho le joalo, o jala peo. Le ‘Musong oa Molimo ho jaolo (Mar 4:3-8; 26-29).

EVANGELI LE ‘MUSO

Notes

- d. ‘Muso oa Molimo ha se hakalo sebaka, empa ke taolo le puso (Luk 19:12-14).
 - e. Sesenyi se ile sa kopa Jesu ho mohopola ha a kena ‘Musong oa Hae. Jesu o araba tjena: “Kajeno u tla ba le ‘na Paradeising.” ‘Muso oa Molimo ke Paradesisi (Luk 23:42,43).
3. Boleng ba ‘Muso oa Molimo ke bo fe?
- a. Pele, ha re pheteng hore ke ‘muso o makatsang, oa liphiri tse kholo(Math 13:11).
 - b. ‘Muso oa Molimo ha se oa lefats’e lena.
 - 1) Ha se oa lefats’e lena. Ha se ‘muso oa nama empa oa moea (Johan 18:36).
 - 2) Mohlala, ea tlleng a phatlalatsa ho tla ha ‘Muso oa Molimo o ne a le moriri o molelele, a ja litsienyane (Math 3:4 le Math 11:8).
 - 3) O loants’ana le lefats’e.
 - a) ‘Muso oa Molimo o hola ka matla le likhoka(kaha ha se ‘Muso oa lefats’e lena—o na le bohanyetsi). Ba likhoka ba o hapa (hobane batho ba na le bohanyetsi—satane, lefats’e, le nama ea bona). ‘Muso oa Molimo ha o kene lefats’eng lena ka mokhoa o tlaoelehileng oa nama. Kahoo, hona le khohlano (Math 11:12 hape sheba 1Bakr 9:27).
 - b) Ho thata hore barui ba kene ‘Musong oa Molimo. Hore o kene ‘Musong oa Molimo o lokela ho siea lefats’e. Halelele ha o ts’oarelletse lefats’eng, ke halelele ho tla ba thata ho le tlohela le ho siea tsa lona (Math 19:24; Mar 10:23).
 - c) Takatso ea Molimo ea ho re fa ‘Muso oa Molimo, e tsamaea le taelo ea ho rekisa tsohle tseo re nang le tsona (Luk 12:32,33).
 - c. ‘Muso oa Molimo, o tsamaisoa le ho ikarabella ho Molimo ka sebele sa hae. Ha se oa batho.
 - 1) Motho o lokela ho ba le kutlo. O lokela ho anetsa tsa “muso oa Molimo.
 - 2) Leha ho le joalo, senatefise-seholo ke mobu. Molimo o lokisa mobu, a be a akofise kholo (Mar 4:30-32—hape sheba Mar4:20).

EVANGELI LE ‘MUSO

- d. ‘Muso oa Molimo oa hola, ‘me o tsoelapele.
- 1) “‘Muso oa hau o tle”, polelo ena e ka fetoleloa e le “‘Muso o ntse o tla, ‘me o tla tsoelapele ho tla” (Math.6:10).
 - 2) ‘Muso oa Molimo o **tsoellapele** (Math 11:12).
 - 3) ‘Muso oa Molimo o shebahala o le monyane qalehong. Leha ho le joalo, oa HOLA, ‘me o fetoha o moholohali (Math 13:31,32).
 - 4) ‘Muso oa Molimo o patehile. Leha ho le joalo, joalokaha tomoso e belisa le ho atolosa hlama ka botlalo, ‘Muso oa Molimo oa **hola** (Math 13:33).
- e. Qetellong ‘Muso oa Molimo o tla bonahatsoa. O tla hlaha ka ho panya ha leihlo (Luk 17:22-24).
- f. ‘Muso oa Molimo o tla tla ka matla (Mar 9:1).
- g. ‘Muso oa Molimo o mong, o bongoeng.
- 1) Mebuso e-ea ema ha feela e le bongoeng (Math 12:25,26).
 - 2) Haeba ‘muso o loants’ana, o ke ke oa ema (Mar 3:24).
4. ‘Muso oa Molimo o kenoa joang. Ke mang ea ka o amohela?
- a. Melao-theo.
- 1) Ha re ee ‘Musong oa Molimo. ‘Muso o tla ho rona. O inehela ho rona (Math 6:10).
 - 2) Boteng ba puso ea Molimo kapa ‘Muso oa Molimo, boa ts’oana bakeng sa batho bohle. Ha ho tsotellehe moo o leng hona teng, kapa tsela eo o qalileng ka eona (Math 20:1-16).
 - 3) ‘Muso oa Molimo o fuoa ba o lokiselitsoeng pele lefats’e le thehoa (Math 25:34).

Notes —

EVANGELI LE ‘MUSO

Notes

b. Mokhoa oa ho kena.

- 1) Pele, hore o tle o bone ‘Muso oa Molimo, u lokela ho tsoalola la bobeli ka Moea (Johan 3:3,6).
- 2) Ha hoa lekana ho utloa litaba tsa ‘Muso oa Molimo feela. O lokela ho utloisisoa (Math 13:19).
- 3) Hore o tle o kene, u lokela ho ba le linotlolo. Linotlolo tsa ‘Muso oa Molimo ke boipolelo le pako. Lemoha hore moelelo oa Math 16:19, ke boipolelo ba Petrose ka Krete. Hape lemoha hore moelelo oa ho tlama le ho lokolla ho Math 18:18 ke ho ho ipolela le pako. Ho kena ‘Musong oa Molimo, re lokela ho sebelisa linotlolo tsa boipolelo le pako.
 - a) Mohlala, bakhafisi le liotsoa ba tla kena ‘Musong oa Molimo pele ho Bafarisi hobane, batho bao ba ananela sebe sa bona, ha ba Bafarisi bona ba sa etse hoo. (Math 21:28-32).
 - b) Ba sebelisa linotlolo (boipolelo le pako) empa Bafarisi ba leka ho choatla lemati (ka mesebetsi ea botho).

c. Ba sa keneng.

- 1) Ha se bohle ba buang ka Molimo ba tla kena ‘Muso oa Molimo (Math 7:21).
- 2) Ho thata ho barui ho kena ‘Musong oa Molimo (Math 19:24).
- 3) Ba sa ananeleng sebe sa bona, ebile ba sa bake, ba ke ke ba kena ‘Musong oa Molimo (Math 21:28-32).
- 4) Ba sa itokisetsang le ho lokisetsa ho tla ha Oona, ba ke ke ba kena (Math 25:1-13).
- 5) Ba sa sebeliseng litlhohonolofatso tseo Molimo a ba fileng tsona ho hlhohonolofatsa ba bang, le ho atisa tlhohonolofatso ba ke ke ba kena ‘Musong oa Molimo (Math 25:14-30).

EVANGELI LE ‘MUSO

- 6) ‘Muso oa Davida o lokela ho utloisisoa e le ‘Muso oa Molimo. O ke ke oa utloisisoa e le puso oa lipolotiki kapa ea naha e itseng. Bajuda ba bangata ba ile ba lahlehelo ke ‘Muso oa Molimo hobane ba ne ba shebile ‘muso oo e leng oa bona (bala Mar 11:10 o ipapisitse le temoho ea hore bona batho bana ba ile ba latola Jesu kamor’a beke — bale le Luk 19:11).
- 7) Baetapele ba ikaketsang ba thibela balateli ba bona ho kena ‘Musong oa Molimo joaloka bona (Math 23:13).

d. Mats’oao kapa libopeho tsa ba tla kena ‘Musoang oa Molimo.

- 1) Bafumanehi Moeng (baikokobetsi, ba sa ichebeng bo-bona) ba amohela ‘Muso oa Molimo (Math 5:3).
- 2) Ba nang le kutlo ba tla kena ‘Musong oa Molimo (Math 7:21).
- 3) Ba likhoka ba hapa le ho kena ‘Musong oa Molimo (Math 11:12; Luk 16:16). Matla le likhoka li lokela ho sebelisoa khahlanong le lintho tse loants’ang le ho hanyetsa ‘Muso oa Molimo (Satane, lefats’e, nama ea rona). Mohlala, lemoha papiso ea matla a Jesu nakong ea ho phela ha Hae nameng (Bah 5:7). Jesu o ne a sa hlasele nama ea hae ho lematsa, empa hona e le lets’oao la botebo ba mokhoa oo a neng a beha nama tlasa taolo ka teng.
- 4) Re lokela re ts’oane le bana hore re tsebe ho kena ‘Musong oa Molimo (Math 18:3). Re lokela ho ba le bohloeki, re be bonolo, re be le ts’epo e kang ea bana (bala Math 19:14 le Luk 18:17).
- 5) Ba itokisitseng, ba tla kena ‘Musong oa Molimo (Math 25:1-13).
- 6) Ba tla kena ‘Musong oa Molimo ke ba sebelisang litlhohonolofatso tseo Molimo a ba fileng tsona hore ba behe litholoana (Math 25:14-30).
- 7) Ba nang le Jesu ba fuoa kutloisiso ea lipheri tsa ‘Muso oa Molimo (bala Mar 3:32,34; 4:10,11). Mohlala, Paulosi o ne a na le kamano e tebileng le Krete. Kahoo, o ile a fumana kutloisiso (Bae 3:4).
- 8) Bao e leng karolo ea ‘Muso oa Molimo, ke basebeletsi ba Molimo. Joaloka balemi, ke batho ba nkang likhato tsa tumelo. Ba etsa lehlakore la bona la ts’ebetso leha e se bona ba akofisang ho hlaha ha litholoana. Ke batho ba lokelang ho ts’epa Molimo (Mar 4:26-29).

Notes —

EVANGELI LE ‘MUSO

Notes

e. Lipehelo tsa ho kena.

- 1) Hore re kene ‘Musong oa Molimo, ho loka ho ts’oanetse ho phahamela tloaelo le tsebonyana e se nang botebo ka Molimo (Math 5:20). Bolumeli bo se nang botebo, bo tsepama tsamaisong ea botho. Empa ho loka ho tsepama tsamaisong le taolong ea Molimo.
- 2) ‘Muso oa Molimo o batla boitolobetso, boitelo le bots’epehi (Luk 9:62).

5. Karabelo e nepahetseng ‘Musong oa Molimo.

a. Karabelo e nepahetseng ho atameleng ha ‘Muso oa Molimo ke pako (Math 3:2).

b. Karabelo ‘Musong oa Molimo, ke ho tlohela lintho tsa lefats’e.

- 1) Kahoo, ho thata hore morui a kene ‘Musong oa Molimo (Mar 10:23).
- 2) Ho phela ‘Musong oa Molimo ke bopaki ba hore litlhoko tsa rona li tla fihleloa le ho arabeloa (Luk 12:31). Leha ho le joalo, hona ho re hloka hore re furalle le ho siea lintho tsa lefats’e lena (Luk 12:32,33).
- 3) Hona ho ka kenyeletsa le ho tlohela litho tsa lelapa (Luk 18:29,30).

Maikutlo a Sengoli:

Ha Le-Moseleme le amohela Krete, o khaoloa lapeng la bo. Ha ho le joalo o lokela ho etsa khetho. Na a ka siea lelapa kapa a ka tlohela Krete? Ha ke lumele lengolo lena le amana le ho tlohela kapa ho siea lelapa bakeng sa ho etsa mosebetsi oa Molimo (mohlala, e ka ba ho ea sebakeng se seng sa lefats’e bakeng sa lilemo tse 5 o siile mosali le bana, temana ena ha e bolele hoo). Hona ho ne ho ke ke ha lumellana le Mangolo a kang 1Tim 5:8.

EVANGELI LE ‘MUSO

- c. Karabelo ‘Musong oa Molimo ke ho hlokomela hantle seo Molimo a se behileng kalosong ea hau (Math 25:14-30).
 - d. Karabelo ‘Musong oa Molimo, ke ho jala peo (ho paka le ho ruta ka ‘Muso oa Molimo) le ho kotula ha nako e nepahetse—boevangeli/borutuo (Mar 4:26-29).
 - e. Karabelo e nepahetseng bakeng sa ‘Muso oa Molimo, ke ho o batla, ho o emela, le ho o lokisetsa (Math 25:1-13).
6. Bohloka ba ‘Muso oa Molimo.
- a. Ho ba karolo ea ‘Muso oa Molimo, ho u beha sebakeng sa bohlokoa haholo historing. Ebile ba banyane ‘Musong oa Molimo, ba feta hole ba **baholo** empa *ba se* ‘Musong oa Molimo (Math 11:11). Hona ho bohlokoa ho ipapisitsoe le morero oa Molimo oa topollo—hona ke hore, bohlokoa bo malebana le tsoelopele ea ts’enolo.
 - b. ‘Muso oa Molimo o joaloka lehakoe la bohlokoa, le letle haholo. Le re hloka sohle seo re nang le sona (Math 13:44,45).
 - 1) ‘Muso oa Molimo, o lokela e be oona thahasello ea rona e kholo (Math 6:33). Kahoo, re lokela ho ba le mohopolo o bonolo. Hoo ke hore, re lokela khopolo e le ngoe.
 - 2) Bohlokoa ba ‘Muso oa Molimo bo bonoa ho anetsoeng ha oona.
 - a) Jesu o nkile nako e ngata a ea motse le motse a phatlalatsa le ho ruta ka ‘Muso oa Molimo (Luk 8:1).
 - b) Bofelo bo ke ke ba tla ho fihlela evangeli ea ‘Muso oa Molimo e boleloa lichabeng tsohle (Math 24:14).
7. E moholo ‘Musong oa Molimo.
- a. Pele, re lokela ho utloisisa hore Molimo o moholo boemong bona. Boemo bo bong le bo bong ‘Musong oa Molimo, bo hlophisitsoe ke Molimo. Bo amana le liketso tsa rona mona lefats’eng lena (Math 20:21-23).
 - b. ‘Musong oa Molimo, lintho li behiloe ka mokhoa o fapaneng le kutloisiso ea lefats’e ea boholo. E moholo ha se eena eo e leng monghali, empa e moholo ke lekhoba/mohlanka (Math 20:25-27).

Notes —

EVANGELI LE ‘MUSO

Notes

- c. E moholo ‘Musong oa Molimo ke motho ea ikokobetsang joaloka ngoana (Math 18:4). Ha a na boikaketsi ha a lebane le Ntata’e. O its’etlehile le ho ts’epa Ntate bakeng sa tsohle. O na le tlhoko le thahasello e kholo ea ho amohela lerato la Ntate. O batla ho qeta nako le Ntate.
 - d. Thuto ea Thabeng ke tlhaloso ea kamoo Jesu a phethileng (a phethahalitseng, a hlalositseng, a bile a o phethetseng) Molao ka teng (Math 5:17). Kahoo, ho boloka le ho ruta Thuto ea Thabeng, ho etsa hore ke be ea Moholo ‘Muso oa Molimo (pusong ea Molimo) hobane Thuto ea Thabeng ke taolo ea Molimo (Math 5:18,19).
- 8. ‘Muso oa Molimo o hokahantsoe le sehlabelo le tlhoriso.
 - a. Sehlabelo (bala Luk 18:29,30 le Luk 12:32,33).
 - b. Tlhoriso.
 - 1) Netefatso ea taolo ea Molimo (‘Muso oa Molimo) bophelong ba hau (kamehla taolo ea Molimo e hloko-fatsa lefats’e) ke tlhoriso (Math 5:10).
 - 2) Hape bala Johan 15:20 le 2Tim 3:12).
- 9. Bonnete ba boteng ba ‘Muso oa Molimo hajoale (‘Muso hajoale).
 - a. Matla.
 - 1) Jesu o ile a bolela hore ‘Muso oa Molimo o tla tla ka matla. Polelo ena e ile ea phethahala ka letsatsi la Pentekonta (Mar 9:1).
 - 2) Boteng ba ‘Muso oa Molimo bo amana ka ho otloloha le mehlolo le mesebetsi ea matla a Molimo (Math 10:7,8—Bosebeletsi ho Bajudi).
 - 3) Ntho ena e-ea ts’oana maemong a fapaneng (Luk 10:9—bosebeletsi ho Balichaba).

EVANGELI LE ‘MUSO

b. Tlholo.

- 1) Boteng ba ‘Muso oa Molimo bo netefatsoa ke taolo le tlholo ea Molimo holim’a Satane (Luk 11:20; Math 12:26-29).
- 2) Ka nako e ts’oanang, boteng ba ‘Muso oa Molimo bo netefatsoa ke taba ea hore, ‘Muso oa Molimo o hola ‘moho le ‘muso oa satane. Qetellong Mebuso ena e tla aroloa, empa hajoale re khona ho bona phapang ka baka la ho fapana ha litholoana tse beoang. (Math 13:24-30 le Math 13:48).

10. Tlhaloso ea Bokamoso ba ‘Muso oa Molimo (‘Muso o so tle).

a. ‘Muso ha o so tle ka botlalo.

- 1) Letsatsi la kahlolo (Luk 10:14) le hokahanyoa le “letsatsi leo” (tem 12). “Letsatsi leo” le ho kahanyoa le temana ea 11 ‘me le lupa hore ‘Muso oa Molimo o atametse, empa ha o so tle ka botlalo. O tla tla ka botlalo ka letsatsi la kahlolo.
- 2) ‘Muso oa Molimo ha o hlahe hang(ka botlalo). Jesu o lokela a tlosoe pele. ‘Me o tla khutla ka puso eohle (Luk 19:11-27).
- 3) Hopola: ho na le ho tla habeli ha ‘Muso oa Molimo hobane Khosi e tla habeli.

b. ‘Muso oa Molimo o tla aroloa ho ‘muso oa satane. Hona ho tla etsahala kamoso (Math 13:24-30).

c. Hona le keteko ea bokamoso e hokahanyoang le ‘Muso oa Molimo.

- 1) Ho tla ba le sebaka sa ho ja le ho keteka leholimong. Batho ba tla tla ho tsoa ka linqa tsohle (Math 8:11). Ba tla lula tafoleng, ba je hammoho le Abrahama, Isaka, Jakobo Baprofeta (Luk 13:28,29).
- 2) Jesu a ke ke a noa veine hape ho fihlela a enoa ‘Muso oa Molimo (Math 26:29; Mar 14:25).

Notes —

EVANGELI LE ‘MUSO

Notes

3) Jesu a ke ke a ja Paseka hape ho fihlela e phethoa ‘Musong oa Molimo (Luk 22:16).

4) Ntate o fa Jesu ‘Muso oa Molimo. Jesu o bua ka bokamoso ha a re baapostola ba tla ja tafoleng e le ngoe le eena ‘Musong oa Hae. Ba tla lula literoneng, ‘me ba ahlole merabe e 12 ea Baisraele (Luk 22:29,30).

d. Maemo ‘Musong oa Molimo, ho buuo ka oona e le lintho tse tla ajoa bokamosong (Math 20:21-23). Hlokomela hore boemo ba hau “‘Musong o so tle” bo hokahanyoa le liketso tsa “‘Muso hajoale”.

e. Ho kena ‘Musong oa Molimo, ho behetsoe bokamosong (Mar 9:43-45).

11. Histori ea ‘Muso oa Molimo mabapi le Bajudi.

a. ‘Muso oa Molimo o bonoa lipolelong tsa Molao le Baprofeta ho fihlela nakong ea Johanne Mokolobetsi. ‘Me ‘Muso oa Molimo oa boleloa (Luk 16:16).

b. Josefa oa Arimathea o ne a letetse ‘Muso oa Molimo (Luk 23:51).

c. Pele Jesu a shoa, batho ba ne ba nahana hore ‘Muso oa Molimo o tla hlaha kapele-pele (Luk 19:11).

d. Ba ne ba nahana sena hobane ba ne ba lebeletse ‘muso oa lipolotiki, oa naha e itseng. ‘Muso oa Davida o ne o nkoa e le ‘Muso oa Bajudi (Mar 11:10). Ha ba ka ba ananela ‘Muso oa Molimo o neng o reretsoe ho fana ka topollo ea batho.

e. Kahoo, Bajudi ba ile ba nena ‘Muso oa Molimo, ‘me o ile oa buleloa Balichaba (Math 22:2-14).

1) O ile oa tlosoa ho Bajudi, oa fuoa Balichaba (Math 21:43).

2) Ka kakaretso, Bajudi ba ke ke ba kena ‘Musong oa Molimo ka baka la ho se lumele (Math 8:12).

EVANGELI LE ‘MUSO

Re tla phethela thuto ena ka ho bua ka linntlha tse ling tsa ‘Muso tse batlang li le morearea:

Notes —

Ntlha ea #1

Thuto ea Jesu ka ‘Muso oa Molimo e khahlanong ka botlalo le thuto e khelohileng e shebaneng *feela* le taba ea ho amohela tsohle tseo o li batlang ho Molimo le ho iphumanela maruo a mangata-ngata le lichelete. Mophatlalatsi oa ‘Muso oa Molimo ha a apare liaparo tse mabotho-botho (Math 11:8). O apara liaparo tsa boea ba liphoofolo, o ja litsienyane (Math 3:4).

‘Muso oa Molimo ha o bonts’oe ka ho ba le chelete kapa maruo. Ebile ha e le hantle, ‘Muso oa Molimo o ts’oauoa ka ho rekisa lithepa le ho abela mafutsana (Luk 12:31-33).

‘Muso oa Molimo o suptjoa ka sehlabelo. Ha o tsotelle boiketlo (bala Luka 18:29,30; Luk 6:20-26; 2Tim 2:3,4). Hangata baruti ba sireletsa boemo ba bona ka ho re Bakreste “ke bana ba **Morena**”. Kahoo re lokela ho phela bophelo ba **Morena**. Ka bomalimabe, ba lebala hore Morena eo ba buang ka eena o buile ka sehlabelo, e seng boiketlo, ha a ne a bua ka ba tla molatela (Math 8:19,20).

Ntlha ea #2

Thuto ea Jesu ka ‘Muso oa Molimo e khahlanong le thuto ea bokhelohi ea “tlholo”.

Baruti ba bang ba ruta hore Mokreste ha a lokela ho ba le mathata. Ha a lokela ho ba le litlhoko li fe kapa li fe. Bakreste ba lokela hore ba lule ba phela tlholong. Motsotso o mong le o mong oa bophelo o lokela ho ba oa bophelo bo tsohong. Ha ho na bophelo ba sefapano. Leha ho le joalo, Jesu o re ‘Muso oa Molimo o bonahatsoa ka mats’oenyeho bophelong ba hau (Math 5:10). Na hoo ho bolela hore re lokela ho phela bophelo ba ho hloloa? Che! Ho mpa ho bolela hore tsela e isang tlholong kamehla e qala sefapanong.

Ntlha ea #3

Thuto ea Jesu ka ‘Muso oa Molimo e khahlanong le lithuto tse bonts’ang hore bophelo ba Bokreste bo bobebe. Hopola sets’oants’o seo re se terohileng malebana le Math 11:12. Bophelo ba Bokreste bo boima. Ke nto—ntoa khahlanong le sebe. (bala Bah 5:7,8 le Bah 12:4).

EVANGELI LE ‘MUSO

Notes —

Ntlha ea #4

Thuto ea Jesu ka ‘Muso oa Molimo e khahlanong le thuto ea bohata ea kopano ea Bakreste litumelo tse fapaneng. Re lokela ho ba hlokolosi hore re se oele sefing sa bongoe ba bohata, bo se nang motheo oa ‘nete. Lekhotla la mofuta oona le phatlalatsa boena ba batho bohle. Ntho ena e utloahala e le ntho e monate. E utloahala e ka ke taba ea Bokreste. Leha ho le joalo, ha se ntho e tsoang Bibeleng. Jesu o bua libakeng tse ngata ka ho fokola ha bongoe hoo ‘Muso oa hae o ho tlisang (mohlala, Math 10:34-36).

Ntlha ea #5

Thuto ea Jesu ka ‘Muso oa Molimo e khahlanong le thuto ea Arminianism (ho se utloisise taba ea bolokolohi le boinehelo ba motho). Ha re ee ‘Musong oa Molimo. ‘Muso oa Molimo o tla ho rona (Math 6:10). Ha re khethe Molimo. Molimo o re khethile. (Johan 15:16). Ha rea tsoaloe ka ho rata ha motho, empa ka ho rata ha Molimo (Johan 1:13).

Ntlha ea #6

Thuto ea Jesu ka ‘Muso oa Molimo e khahlanong le thuto ea bohata e hahang tumelo e se nang metheo e tebileng, e amana le litloaelo le bokantle ba batho feela.

Litumelo tsa mofuta oona tse ngata li hahilo e holima ho hloka kutloisiso e lekaneng ea Math 16:18. Ho bohlokoa ho elelloa hore Kereke ha ea hahoa ho Petrose. Empa e hahilo ho holima seo Petrose a se boletseng. Linotlolo tsa ‘Muso ke boipolelo le pako.

Ntlha ea #7

Thuto ea Jesu ka ‘Muso oa Molimo e khahlanong le lithuto tse reng Thuto ea Thabeng (Math 5-7) ha e amane le matsatsi a kajeno.

Ho boloka le ho ruta Thuto ea Thabeng kajeno ke ho ba moholo ‘Musong oa Molimo (Math 5:19).

EVANGELI LE ‘MUSO

Ntlha ea #8

Thuto ea Jesu ka ‘Muso oa Molimo e hanana ka botebo le thuto ea “puso ea kamor’a-lilemo-tse-sekete” e bonts’ang hore Kereke e tla tlisa ‘Muso oa Molimo. Ho hlakile hore ‘Muso oa Molimo o tla hola. Leha ho le joalo, ho boetse ho hlakile hore le ‘Muso oa satane o tla hola (Math 24:12). Lemoha hore ka bobeli mebuso ena e hlaloso e le litomoso (Math 13:33 le Math 16:6). Sets’oants’o se etsoang ke Bibe, ha se supe ho ntlafala le bobetere ba lefats’e. Empa se supa kamoo le fats’e le tla mpefala ka teng (mohlala Math 24:12) ha ‘Muso oa Molimo o tla be o ntse o hola ka matla le oona, ka nako e ts’oanang. Ha re boele re phete hore motho ha se eena ea holisang ‘Muso oa Molimo (Mar 4:26-29). Kholo ea oona ha e fumanoe liketsong tsa botho empa Boholong ba Molimo (Mar 4:30-32).

‘Muso oa Molimo ha se oa lefats’e lena. Ha o ts’oarehe. Empa ke oa Moea (Johan 18:36). Kaha ‘Muso oa Molimo e se oa lefats’e lena, o ke ke oa hlangoa lefats’eng lena. O hlangoa semoeeng (lemoha hore Jesu o re ‘Muso oa Molimo o ke ke oa tla ka liponts’o tsa mahlo—o re ‘Muso o ka hare ho rona—hoo ho bolela hore ke ‘Muso oa Moea Luk 17:20,21). Kaha ‘Muso oa Molimo e se oa lefats’e lena, o ke ke oa bonoa sebakeng se itseng, o ke ke oa nka karolo polotiking, o ke ke oa bonoa ka mokhoa o itseng oa moruo. Ha ho moo re tla ea e be re re “‘Muso oa Molimo ke oona” (Luk 17:20,21).

‘Muso oa Molimo ha se ntho e bonoang ka mahlo a nama (Bona, ke oona) hobane ke ‘Muso oa bokahare e seng o ka ntle (Luk 17:21). Ke ‘Muso oa Semoea e seng oa nama. Kahoo, ‘Muso oa Molimo ha se ho noa kapa ho ja, empa ke ho loka, khotso le thabo ho Moea o Halalelang (Bar 14:17). Khotso le ho loka tse boleloang, ha se tsa bokantle kapa tsa phelisano nameng. Ebile, halelele ha o ntse o atamela ‘Musong oa Molimo, ke halelele o tla kopana le lithoriso. Hopola hore Jesu ha a tlisa khotso empa sabole (Math 10:34). O ts’episa khotso ea kahare hobane ‘Muso oa Hae ke oa Semoea. Leha ho le joalo, ha a ts’epise khotso ea kantle hoba ‘Muso oa hae ha se oa lefats’e. Kahoo, sabole ea nama e ba khahlanong le ba ‘Musong oa Semoea (Bah 11:37). Ka tsela e ts’oanang sabole ea Moea e sebelisoa ke ba leng ‘musong oa Semoea (Bae 6:17). E, ‘Muso oa Molimo o tla ama ‘muso oa satane. Leha ho le joalo, kaha hona le monyetla oa ho ba le phelisano e betere, hoo ha ho bolele hore phelisano eo e se e le ‘Muso oa Molimo. Hona ho ka etsa hore ‘Muso oa Molimo o lekane le lefats’e, empa ‘Muso oa Molimo le lefats’e li lula li lonants’ana. Li lula li hanyetsana.

Notes —

EVANGELI LE ‘MUSO

Notes

—

Qetellong, ha re elelloeng hore ‘Muso oa Molimo ha o tlisoe ke motho. Ha se ntho eo motho a ka e etsang eaba o re “Bona, ke oona”. Matsatsing a qetelo, hona le ba bang ba tla nka monyetla takatsong e kholo ea ho bona ‘Muso oa Molimo. Ba tla leka ho ruta hore ‘Muso oa Molimo o ka bonoa nameng. Ba tla re batho ba ka iketsetsa ‘Muso oa Molimo. Leha ho le joalo, Bibe e hlakile. E re le se ba latele. Oona ha se mokhoa oo ‘Muso o tla hlongoa ka oona. O tla hlongoa ke Molimo ka ho panya ha leihlo (Luk 17:22-24).

Hopola: thuto ea mehla ea bofelo ea “puso ea kamor’a-lilemo-tse-sekete” ke phoso e kholo e entsoeng ke Bajuda. Ba ne ba nahana hore ‘Muso oa Molimo o tla hlongoa nameng/lefats’eng. Ba ne ba lebeletse ‘Muso oa polotiki, o tla ba naheng e itseng. (Luk 19:11). Haeba Bakreste ba amohela thuto ea “puso ea kamor’a-lilemo-tse-sekete”, ba monyetleng o moholo oa ho etsa phoso e ileng ea etsoa ke Bajuda.

EVANGELI LE ‘MUSO

Qetello

¹George Eldon Ladd, The Gospel and the Kingdom, Wm. B Eerdmans Publishing Company, Grand Rapids, Michigan. Reprinted, November 1988.

Notes —

EVANGELI LE ‘MUSO

Notes —